

# 2025-YIL – ATROF-MUHITNI ASRASH VA “YASHIL” IQTISODIYOT YILI

2020-yil 25-yanvardan chiqa boshlagan


Milliy tiklanishdan — milliy yuksalish sari

## YANGI

## O‘ZBEKISTON

Ijtimoiy-siyosiy gazeta

№ 8 (1334), 2025-yil 12-yanvar, yakshanba



### ELEKTROTEKNIKA SANOATI: INNOVATSIYALARNI O‘RGANIB, BOZORBOP MAHSULOTLAR YARATISHGA E‘TIBOR QARATILADI

Prezident Shavkat Mirziyoyev 11-yanvar kuni elektrotexnika sohasidagi natijalar va galdagi vazifalarga oid taqdimot bilan tanishdi.

Bu sohaning sanoatdagi ulushi 3,5 foiz, tovarlar eksportida 10 foizni tashkil etadi. O‘tgan yili 31 trillion so‘mlik mahsulot ishlab chiqarilgan, 1 milliard 300 million dollar eksport qilingan. 516 million dollar investitsiya o‘zlashtirilib, 85 ta yangi korxonaga ishga tushgan. Bu sohada 27 mingdan ziyod yurtdoshimiz ishlayotgan.

mo‘ljallanmoqda. Yuqori texnologiyali ishlab chiqarishni yo‘lga qo‘ygan tadbirkorlarni uch yil muddatga foyda va mol-mulk solig‘idan ozod qilish taklif etilmoqda.

Bu jumladan, Ohangaron mis klasterida 68 million dollarlik, Qashqadaryo, Farg‘ona va Urganchda 30 million dollarlik yangi loyihalarga imkoniyat ochadi.

Mahsulotlar sotilishi uchun vazirlik va sanoat tarmoqlari kesimida 15 trillion so‘mlik kafolatli bozor ham tashkil qilinmoqda. Ijtimoiy obyektlar uchun qayta tiklanuvchi energiya qurilmalarini mahalliy korxonalaridan xarid qilish tartibi ishlab chiqilmoqda.

Davlatimiz rahbari bu soha “yashil” iqtisodiyot uchun, barqaror rivojlanish uchun juda muhim ekanini ta‘kidladi. Shu bois, joylardagi barcha imkoniyatlarini ishga solish, tadbirkorlarga infratuzilma, moliya va komashyo jihatidan qo‘shimcha sharoitlar yaratish bo‘yicha ko‘rsatmalar berdi.

Mutasaddilarning evaziga eksportni yiliga 3 milliard dollarga, ishlab chiqarish hajmini 50 trillion so‘mga yetkazish imkoniyati borligini qayd etdi.

Innovatsiyalarni o‘rganib, bozorbop mahsulotlar yaratish, malakali muhandis, texnolog va o‘rta bo‘g‘in mutaxassislarini tayyorlash masalalariga ham e‘tibor qaratildi.

O‘ZA

### TRANSPORT-LOGISTIKA TIZIMINI QO‘LLAB-QUVVATLASH SAVDO-IQTISODIY ALOQALAR RIVOJIGA XIZMAT QILADI

Prezident Shavkat Mirziyoyev transport va logistika tizimini yanada rivojlantirish chora-tadbirlari bo‘yicha taqdimot bilan tanishdi.

So‘nggi yetti yilda mahalliy tashuvchilarni qo‘llab-quvvatlash natijasida yuk avtomobillari soni 7 karra ko‘payib, 26 mingga yetgan. Ularning xalqaro tashishdagi ulushi esa 35 foizdan 60 foizga oshgan.

Lekin dunyodagi geosiyosiy vaziyat bu sohada qiynchilik tug‘dirmoqda. G‘arb yo‘nalishida tashish muddati 2 karra, xarajati esa 1,5 barobargacha oshib ketyapti. Ayrim Yevropa mamlakatlari chegaralaridagi o‘tkazish punktlari yopilgan, boshqalarida uzoq navbatlar yuzaga kelgan.

Shu bois, transport-logistika tizimini izchil rivojlantirish va tashqi savdo yo‘nalishlarini diversifikatsiya qilish zarurligi ta‘kidlandi.

Xususan, xalqaro va mintaqaviy bozorlarga olib chiqadigan muqobil yo‘nalishlar bo‘ylab joylashgan mamlakatlar bilan tranzit yuk tashuvlarni soddalashtirish va erkinlashtirish, chegaralarda undiriladigan yig‘imlarni o‘zaro tenglik asosida kamaytirish yoki bekor qilish choralari ko‘rish kerak.

Yurtimizda yuk jo‘natuvchi va tashuvchini o‘zaro bog‘laydigan ekspeditorlik xizmatlarining asosiy qismi xorijiy kompaniyalarga to‘g‘ri keladi. Bu sohada mahalliy ekspeditorlarimizni qo‘llab-quvvatlash maqsadida ularning xalqaro yuk tashishdagi xizmatlariga qo‘shilgan qiymat solig‘i olinmaydigan bo‘ldi. Natijada mahalliy korxonalar ulushini 45-50 foizga chiqarish imkoniyati ko‘rsatib o‘tiladi.

O‘ZA



Davlat dasturi loyihasi muhokamada

### EKOFAOL FUQARO

USHBU MAQOM QATOR

IMTIYOZLAR ESHIGINI OCHADI

Keng jamoatchilik muhokamasiga qo‘yilgan O‘zbekiston Respublikasi Prezidentining “O‘zbekiston – 2030” strategiyasini “Atrof-muhitni asrash va “yashil” iqtisodiyot yili”da amalga oshirish bo‘yicha davlat dasturi va uni tasdiqlash to‘g‘risida”gi farmoni loyihasida strategiyaning 5 ta ustuvor yo‘nalishi bo‘yicha 2025-yil uchun amaliy chora-tadbirlar, normativ-huquqiy hujjatlar ro‘yxati va maqsadli ko‘rsatkichlar nazarda tutilmoqda.



Ma‘lumki, davlat dasturlari, muhim strategik hujjatlarini ishlab chiqishda fuqarolar, xalqaro ekspertlar, tegishli vazirlik va idoralar mutaxassislari hamda fuqarolik jamiyatining boshqa institutlari vakillari takliflarini inobatga olish tizimi hujjatlarini takomillashtirish, xalqchilligini ta‘minlashga xizmat qilmoqda.

Davlat dasturi loyihasi aholi tanishib chiqishi uchun qulay va ixcham shaklda tayyorlangan. Unda atrof-muhitni asrash va “yashil” iqtisodiyot masalalariga asosiy e‘tibor qaratilishi bilan bir qatorda ijtimoiy-iqtisodiy, davlat boshqaruvi, sud-huquq, xavfsizlik va tashqi siyosat yo‘nalishlarida 2025-yilga mo‘ljallangan keng ko‘lamli islohotlar ham nazarda tutilgan.

Davomi 2-betda

### IZCHIL TASHABBUSLAR

### EKOLOGIK OQIBATLARGA QARSHI KURASHISH O‘ZBEKISTONNING ASOSIY MAQSADI

O‘zbekiston barqarorlikning global maqsadlariga moslashish borasida muhim chora-tadbirlarni amalga oshirmoqda. Konstitutsiyamizda ekologik huquqlarga, fuqarolarning nafaqat qulay atrof-muhit, balki uning holati to‘g‘risida ishonchli ma‘lumot olish huquqiga ega bo‘lishini ta‘minlashga alohida e‘tibor qaratilgan.

Bu maqsadda doimiy ravishda atrof-muhitni muhofaza qilish, tabiiy resurslardan oqilona foydalanish va aholi salomatligini saqlash sohasida qator muhim normativ-huquqiy hujjatlar qabul qilindi. Xususan, 2030-yilgacha bo‘lgan davrda O‘zbekiston Respublikasining atrof-muhitni muhofaza qilish konsepsiyasi, O‘zbekiston Respublikasi suv xo‘jaligini rivojlantirishning 2020-2030-yillarga mo‘ljallangan konsepsiyasi, 2019-2030-yillar

davrida O‘zbekiston Respublikasining “yashil” iqtisodiyotga o‘tish strategiyasi, O‘zbekiston Respublikasida o‘rmon xo‘jaligi tizimini 2030-yilgacha rivojlantirish konsepsiyalari sohani rivojlantirishda asosiy dasturlamal bo‘lib, global iqlim o‘zgarishlarining oldini olishda katta ahamiyatga ega.

Davomi 5-betda



### Inson qadri uchun

Inson hamisha umid hamda orzu-havaslar bilan yashaydi. Erkin, tinch va farovon hayot kechirishni istaydi. U qachon qadr topsa, hayotiy manfaatlarini ro‘yobga chiqib, chinakam yashash zavqini tuysagina, jamiyat va davlat uyg‘unlikda barqaror rivojlanadi.

### O‘ZGARISHLAR FALSAFASI

### ISLOHOTLAR XALQIMIZNING BUGUNGI HAYOTI VA ERTANGI ISTIQBOLINI O‘YLAB AMALGA OSHIRILMOQDA

El ko‘nglidagini topish uning qalбини anglash va egallashdan boshlanadi. Davlatimiz rahbari prezidentlik faoliyatining ilk kunlaridayoq xalqimizning qadr-qimmatini joyiga qo‘yish, uning egilgan qaddini ko‘tarishni maqsad qildi va islohotlarni xalq bilan davlat o‘rtasida ishonch ko‘prigini o‘rnatishdan boshladi. “Inson qadri uchun” tamoyili asosida har bir fuqaroning tinch va xavfsiz hayot kechirishi, fundamental huquq va erkinliklarini ta‘minlash, aholi uchun munosib turmush sharoiti va zamonaviy infratuzilma tashkil qilish, yangi O‘zbekistonda barpo etish yo‘lida ulkan amaliy qadamlar qo‘yildi. “Obod qishloq” va “Obod mahalla” dasturlari asosida dastlab Manas qishlog‘ida boshlangan yangilanishlar shukhi ko‘p o‘tmay, yurtimiz bo‘ylab keng quloch yoydi. Mamlakatda o‘zgarishlar epkini kirib borgan birorta qishloq yoki mahalla qolmadi.

O‘tgan davrda hayotimizda nimalar ro‘y berdi, degan savolga bugun minglab qishloq, mahallalar qiyofasidagi yangilanishlar, o‘z hayotidan rozi bo‘lib yashayotgan insonlar turmushidagi ijobiy o‘zgarishlar misolida yetarlicha javob aytish mumkin. Bu oxirgi yillarda inson huquq va erkinliklari, xalq manfaatini ta‘minlash bo‘yicha yuritilgan kuchli siyosat samarasidir.

Keyingi sakkiz yilda qabul qilingan uchta kompleks taraqqiyot strategiyasi, tegishli yillarga mo‘ljallangan davlat dasturlari asosida inson huquq va erkinliklarini himoyalash, uning rivojlanishi va salohiyatini ro‘yobga chiqarish, aholiga munosib turmush sharoiti yaratish bo‘yicha e‘tiborga molik ishlar amalga oshirildi.



Bir paytlar mamlakatda kambag‘allik yopiq mavzu bo‘lib, bu xususida lom-mim deiyshga haddimiz sig‘masdi. Bugun esa jamiyatimizda kambag‘allik borligi nafaqat tan olindi, balki uni qisqartirish bo‘yicha aniq tizimli ishlar qilyapti.

Kambag‘allikni qisqartirish borasida qisqa va uzoq muddatlarga mo‘ljallangan kompleks chora-tadbirlar amalga oshirishi, sohaga oid davlat siyosatini yuritish uchun zarur barcha huquqiy-tashkiliy asoslar yaratilgani natijasida yurtimizda kambag‘allik darajasini 2021-yildagi 17 foizdan 2023-yilda 11 foizga kamaytirishga erishildi. Ikki millionga yaqin odam kambag‘allikdan chiqib, doimiy

daromad manbaiga, yangi ish o‘rniga ega bo‘ldi. Bu, o‘z navbatida, har bir fuqaro qalbiga yorug‘lik, ertangi kunga sobit ishonch olib kirdi.

Davlatning xalqqa bunday qayishishi, inson manfaati hamma narsadan ustun

Davomi 3-betda

### Millat fidoyilari



### Hazrat Behbudiy kim bo‘lgan?

Qish chillasining o‘ninchi kuni, quyosh taqvimi bo‘yicha 2025-yilning 3-yanvarida O‘zbekiston Respublikasi Prezidenti Shavkat Mirziyoyev tomonidan imzolangan “Turkiston jadidlik harakatining asoschisi, atoqli adib va jamoat arbobi, noshir va pedagog Mahmudxo‘ja Behbudiy tavalludining 150 yilgini keng nishonlash to‘g‘risida”gi qarorni hayajon bilan o‘qidim.



Haqrost, Prezident qarorida qayd etilganidek, “Vatanimiz tarixida g‘oyat murakkab va sinovli davr bo‘lgan XX asr boshida maydonga chiqqan Mahmudxo‘ja Behbudiy Turkiston jadidlik harakatining asoschisi hisoblanadi. U milliy ozodlik harakatining buyuk namoyandasi sifatida ilm-fan, ta‘lim va tarbiya, adabiyot va san‘at,

Davomi 6-betda









